




Prijavite se na nagradno takmičenje "Trashformers: škole transformišu otpad" u Europe House

Europe House poziva sve osnovne i srednje škole u Bosni i Hercegovini da učestvuju u kreiranju održivih rješenja za smanjenje otpada, kroz nagradno takmičenje "Trashformers: škole transformišu otpad".



Pozivamo sve osnovne i srednje iz BiH da se prijave na takmičenje koje je usmjereno na kreativne i inovativne projekte, pod rukovodstvom nastavnog osoblja, osmisle i primijene principe cirkularne ekonomije u svojim školama i lokalnim zajednicama, promovišu smanjenje otpada, kao i ponovnu upotrebu i reciklažu materijala i predmeta. Ovo takmičenje je prilika za uključenje učenika u promjene koje će doprinijeti očuvanju okoliša i jačanju održivih praksi korištenja ograničenih materijala i resursa. Škole će imati priliku unaprijediti vještine i sposobnosti učenika kroz projekte, koji će ih podstaći da eksperimentišu, griješe i uče iz vlastitih iskustava kako bi postigli određene

ishode. Kritičko razmišljanje, logička analiza, istraživanje i učenje temeljeno na projektima ključni su u obrazovanju. Fokus je na praktičnom učenju sa stvarnim proizvodima koji će pomoći učenicima u razvoju različitih skupova vještina, uključujući kreativnost i vještine 21. stoljeća. Vještine koje su svima potrebne u 21. stoljeću uključuju medijsku i tehnološku pismenost, produktivnost, socijalne vještine, komunikaciju, fleksibilnost i inicijativu.

KOME JE PROGRAM NAMIJENJEN?

Pravo učešća imaju sve osnovne i srednje škole u BiH.

KO/ŠTA - KAKO-GDJE -KADA-KAKO REALIZOVATI AKTIVNOSTI PROJEKTA?

Škole mogu prijaviti jedan projekat po razredu ili školskoj sekciji (npr. sekcija za okoliš), s 10 do 25 učenika u jednom timu. Prijave na takmičenje se podnose u formi kratkog video zapisa u trajanju od najviše 180 sekundi, koji kroz sliku i riječ predstavlja projektnu aktivnost na smanjenju otpada, ponovne upotrebe i/ili reciklaže koju su učenici osmislili i primijenili ili planiraju primijeniti u svojim školama i/ili zajednicama. Prijave se primaju do 14.05.2025. u 12:00.

kratke, kreativne video zapise (do 3 minute) koji pokazuju kako su implementirali/ili kako bi implementirali principe smanjenja otpada, ponovne upotrebe i recikliranja u svojim školama i zajednicama.

Projekti mogu uključivati (ali nisu ograničeni na):

Prerada (upcycling) školskog pribora ili namještaja u nove, funkcionalne predmete.

Organiziranje školskih ručkova bez otpada i minimiziranje bacanja hrane.

Pokretanje izazova „Sedmica bez otpada“ u školi.

Uspostavljanje školskog sistema reciklaže ili kampanje podizanja svijesti.

Inovacije cirkularne ekonomije, kao što je ponovna upotreba tekstila ili upotreba biorazgradivih alternativa.

“3R (smanji – ponovo iskoristi – recikliraj) društveni izazov” koji može uključiti i širu zajednicu, izvan škole, u smanjenje otpada, i dr.

Video zapis kojim je predstavljena 3R projektna aktivnost može koristiti sve forme izražavanja u video produkciji, kao što su:

Naracija i komentari kojima bi objasnili osnovne informacije o projektnoj aktivnosti;

Intervju i izjave koji mogu dati dodatnu dubinu i autentičnost;

Vizuelni prikaz aktivnosti i/ili proizvoda koji su dio projekta;

Vizuelni efekti, grafike i animacije kako bi pojasnili složenije informacije i video učinili zanimljivijim;

i dr.

Kroz kreativni pristup moguće je kombinovati sliku, zvuk, animaciju, humor i ostalo na bilo koji inovativan način. U procesu produkcije video zapisa učenici će razvijati vještine korištenja videa kao alata za efikasno komuniciranje projektnih ideja i važnih poruka.

PRIJAVE-NAGRADE

Prijava se sastoji od popunjene prijave s opisom projektne aktivnosti (do 250 riječi) i video zapisa u trajanju do 180 sekundi, koji može sadržavati naraciju i komentare, intervju i izjave, vizuelni prikaz aktivnosti i/ili proizvoda, grafike, animacije i vizuelne efekte, prikaz provedenih ili planiranih projektnih aktivnosti na temu smanjenja otpada, prenamjene i reciklaže, i sl.

Obrazac za prijavu na takmičenje i elektronsko slanje videa se nalaze na sljedećem linku:

<https://europehouse.ba/bs/takmicenje/prijava-trashformers-skole-transformisu-otpad/>

Video treba zadovoljavati sljedeće tehničke karakteristike:

Format: MP4, MOV, AVI

Rezolucija: Minimalno 720p (HD), poželjno 1080p (Full HD)

Omjer stranica: Standardni (16:9) horizontalni

Frame rate: 24fps, 30fps ili 60fps

Zvuk treba biti čist i jasan, bez smetnji i šumova (osim u slučaju upotrebe istih kao posebnih efekata)

Kamere većine novijih pametnih telefona ispunjavaju tražene karakteristike, te se za potrebe ovog takmičenja prihvataju video zapisi snimljeni i obrađeni mobilnim telefonima koji zadovoljavaju navedene standarde.

Prihvatit će se isključivo projekti i video uradci koje su samostalno osmislili i izradili učenici, uz podršku i mentorstvo nastavnog osoblja škole. Nije dozvoljeno uključivanje vanjskih eksperata, profesionalnih producenata, dizajnera ili drugih trećih lica u osmišljavanje, produkciju i realizaciju prijave. Ova odredba ima za cilj osigurati jednakost među učesnicima i potaknuti razvoj kreativnih i praktičnih vještina učenika.

Prilikom izrade video zapisa, učesnici takmičenja dužni su voditi računa o poštivanju autorskih prava. Korištenje zaštićenih muzičkih sadržaja, video klipova, grafika, fotografija i sličnih materijala koji su u vlasništvu trećih strana nije dozvoljeno bez prethodnog pribavljanja odgovarajuće dozvole ili licence. Poželjno je koristiti isključivo autorski materijal ili materijale dostupne pod licencama koje omogućavaju slobodno korištenje (npr. Creative Commons), uz jasno navođenje izvora gdje je to primjenjivo. Organizator zadržava pravo diskvalifikacije prijave koje krše ova pravila.

Pristigle prijave ocjenjuje stručni žiri, a ukupni rezultati se formiraju na osnovu:

60% ocjena žirija – na temelju kreativnosti, relevantnosti i inovativnosti prikazane projektne aktivnosti (30%) i kvalitete videa kojim je aktivnost predstavljena (30%)

40% ocjena građana – kroz javno glasanje od 19. do 26. maja 2025. godine na web stranici Europe House.

Takmičarski žiri će odabrati najviše 12 najboljih prijava i video uradaka koji će kao finalisti takmičenja biti predstavljeni na Europe House web stranici i otvoreni za glasanje svim građanima.

Svim finalistima takmičenja će na adresu škole biti dostavljena plaketa kojom se odaje priznanje za postignuće u pripremi i realizaciji aktivnosti.

Biće dodijeljeno pet nagrada:

Tri nagrade za prvoplasirane projekte prema zbiru bodova žirija i građana;

Nagrada publike za projekat s najviše glasova građana, ali koji nije među prva tri prema zbiru bodova žirija i građana;

Posebno priznanje žirija za kreativnost i inovaciju za projekt koji nije među prethodna četiri.

Nagradu za svaki od pet nagrađenih timova je čini:

Ekološki izlet za sve članove tima u park prirode udaljen najviše 100 km od mjesta škole, po izboru učenika – članova tima i predstavnika škole koji uključuje prijevoz autobusom, okrepljenje za učenike i naknadu za vođača na terenu, ukupne vrijednosti do 2.000 KM.

Vanjske i sobne biljke, sadni materijal i/ili elementi zelenog dizajna za školu, po izboru učenika – članova tima i predstavnika škole, u vrijednosti do 500 KM.

Rok za realizaciju oba dijela nagrade je najkasnije do 30.06.2025. ili alternativno na zahtjev škole do 31.10.2025.

Dobitnici nagrada će biti proglašeni najkasnije 29.05.2025.g.

Dodjela nagrada i prezentacija projekata će se održati 04. juna 2025. godine u Europe House Sarajevo, povodom Evropske zelene sedmice. Europe House će pokriti trošak prijevoza predstavnika pobjedničkih timova na ovaj događaj. Alternativno, za škole i timove čiji predstavnici bi, zbog nastavnih obaveza, mogli biti spriječeni u dolasku na događaj u Europe House, osigurat će se mogućnost učešća putem video linka.

Takmičenje je otvoreno do 11. maja 2025.

Collections

Objava